



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita Reverendi Patris Martini Stredonij Soc: Jesu

Schwertfer, Wenzel

Pragæ, 1673

Caput III. Educatio Adolescentiæ cum abstractione ab occasionibus. Timor & præsentia Dei pro basi vitæ accepta. Conservatio Baptismalis Gratiæ.


urn:nbn:de:hbz:466:1-43132

8 VITÆ R. P. MARTINI STREDONII S. J.

c. 6. lem denique ipse Aristoteles in Physiognomicis
Modestum effigiat: *In motibus tardus, & loquens
tardè, vox tarda & plena spiritu, mitis, oculus hi-
laris, neque valde apertus, neque omnino clausus.*
Cujus fidem vera effigies in fronte Libri posita
testatur. talis à puero videri cœpit Martinus.
Utinam vestitu simili, moribus inquã composi-
tis, Adolescentia nostri seculi, à parentibus in-
dui amaret, & parentes ipsi vanitatum Instru-
ctores non essent! quot in Epilogo Vitæ Jubi-
los Divini amoris, præ threnis pœnitentiæ con-
cinerent ij, quos absque fræno & legibus vixisse,
ferò necquicquam pudet ac pœnitet!

C A P U T I I I

Educatio Adolescentiæ cum ab-
stractione ab occasionibus. Timor
& præsentia DEI pro basi vitæ
accepta. Conservatio Bapti-
smalis gratiæ.

namenta minoris ætatis, si-
ve Adolescentiæ, Mundus ità coacer-
vat in puerulos, ut vestium luxu, mo-
rumque libertate ad vitia reliqua insternant
viam filiis suis infelicibus improvidi parentes.
quod

quod in confinio boni & mali posita Juvenilitas dum non distinguit, in formā sæculi dispositiones suas inflectit, formamq; ipsam vanitatū per naturæ modum introducit habitūq; induit. Et prima quidem ista in parentibus ac filijs dici potest stultia, cui alteram supparē adjungunt, dū vitæ duces, quos Præfectos vocant, ex eodē vanitatis furfure, ab externa specie magis, quàm à virtutis ac probitatis habitu comendatos præficiunt. Accedit domestica dissimulatio correctionis, ac peregrina deniq; in omnē vitæ licentiam libertas; dum vitia foris in provincijs adolescentibus quærere jubentur, quasi domi non abunde pullularent. Gentiles certè solo ductu rationis instructi, adeo necessariam Reip. rectā educationem adolescentiæ censuerunt, ut totū successum Vitæ secuturæ, bonum imò Reipub: pendere dicerent ab adolescentiæ institutione. Indè præcepta illa Platonica: *Ejus Reip: qua felix esse volet,* (nos Christiani dicimus: *ejus Animæ* l. 7. de Rep. *quæ felix esse volet*) *Magistratus in veri DEI & veri boni cognitione edocentor prima statim ab infātia, artesque omnes ad eam primariam scientiam ediscendam necessaria, eidem adhuc adolescenti traduntor.* Idem alibi narrat, filios Regum Persarū in Alcibiade. cū ad decimum quartum annum ætatis pervenissent, comendatos fuisse curæ Regiorū Prædagogorū, qui ex omnibus Persis seligebantur, B & qua-

IO VITÆ R. P. MARTINI STREDONII S. J.

& quatuor erant: *Sapientissimus*, qui cultum Divinum instillabat; *Justissimus*, qui Veritatem ut in omnibus verax esset; *Temperantissimus*, qui gulã dedocere, animiq; affectibus imperari juberet. *Fortissimus* deniq; , impavidum ac intrepidum fieri præcipiebat. Quod elegantius in compendium docuit Ecclesiasticus: *Filii tibi sunt? erudi illos & curva.* Græcus explicat: *Iustrue, castiga, forma, & doma illos à pueritia. erudi;* diversis artibus intellectum, vero scilicet bono, veriq; intelligentiã. *curva* pronos in malũ affectus, humilitate, obedientiã, frangendo appetitus, & concupiscentias inordinatas, dedocendo mollitiẽ & illecebras. Ultroneẽ magisteriũ sui exercebat Martinus, non tã *curvando*, cùm vix aliquid quod repugnaret, habuerit, quã *erudiendo* ut virtutes Adolescentiã, flores ac fructus germinarent illos, quales ab hujusmodi ætate D. Ambrosius exposcebat: videlicet: *Timorem DEI habere, deferre parentibus honorem, habere senioribus reverentiam, castitatem tueri, non aspernari humilitatem, diligere clementiam ac verecundiam, quæ ornamento sunt minori ætati.*

Eccli. 7.
25.

l. 1. Offic:
c. 45. &
c. 17.

Et hæc quidem domestica virtutis exercitia, intra parietes domesticos à Martino fiebant. Jussus autem proficisci Glogoviam Majorem, Germanicã perdiscendã gratiã, Pragã deinde profectus, illibatum Innocentiã ac puri-

LIBRO CAPUT III. II

puritatis lilium domi natum, circumtulit; & ut securiùs ferret, semper DEI timore, & occasionum fugâ usus, salvo veluti conductu, duobus hisce comitibus custodivit. Et quia insignem structuram virtutis à pueritia prima moliebatur, ut in Templum DEI magnificum per ætatem excreceret, à Timore DEI basim ponere aggressus fuit. Quodque S. Ambrosius de verbo dicit, hoc de Sancta Juventute Martini edicere possumus: *Statue servo tuo eloquium tuum in timore tuo.* Statue servo tuo vitam in timore tuo. *Basis quedam verbi est, Timor Sanctus.* Sicut enim simulacrum aliquod in basi statuitur, & tunc majorem habet gratiam, cum in basi fuerit collocatum, & standi accipit firmitatem: ita verbum DEI (animam sanctam facere volens) in Timore sancto meliùs statuitur, & in pectore timentis DEUM fortiùs radicatur. juxta illud in Anima Sponso dilectissima, de qua dicit Sponsus: *Crura ejus columnæ marmoreæ, fundatæ super bases aureas.* Tales bases fundavit pro reliquæ vitæ structura, in adolescentia sua Martinus, de quo R.P. Andreas Schambogen totius vitæ arbiter asseverabat: non tantum Juventutem, sed totius vitæ curriculum traduxisse, in Gratia Baptismali, & semel cœptam vitam in Timore DEI, simbolo illo sibi familiari direxisse: *Providebam DEUM in conspectu meo*

in H. 113.

12 VITÆ R. P. MARTINI STREDONII S. J.

semper. Putà uniformiter augmentum virtutis ad arbusculæ speciem in conspectu cælestis Hortulani ducendo, crescendo floribus ac fructu in virtutibus sibi velut agnatis, in innocentia, DEI Timore, prudentiæ senilis demonstratione, studio tenendi corporis intra leges pudicitæ, atque in conatu perpetuo agendi omnia in conspectu DEI; sicut Timoris Divini radix, imò DEUS ipse in basim acceptus, sancto huic furculo aspirabat. Quem ut ampliùs ac tutiùs ab aura vanitatum conservaret, transplantari voluit in Seminarium Sancti Wenceslai Pragæ (quam gratiam plerisque viris insignibus, & in Societate nostra primariis concessam fuisse à Divina Providentia, memini) ubi demum adeo feliciter inflexus fuit, ut Societatem JESU ingredi, DEO que soli vivere, liber à seculo postulare.

C A P U T IV.

Ingressus in Societatem JESU, pro fundamento vitæ Religiosæ, immutabilem animi constantiam arripit ex tribus Principiis.



Admissus & ingressus in Societatem JESU 1608. die 25. Sept: annos natus & emensus 20. ex eo genere Tyro-
num